

## Pontedeume - ORDENANZA FISCAL Nº 23: IMPOSTO SOBRE ACTIVIDADES ECONÓMICAS

Publicación provisional : 18-02-2003 BOP Nº 40 -- Publicación definitiva : 31-03-2003 BOP Nº 288  
Redacción aplicábel dende 01-01-2006 Até 19-12-2005 -  
Derrogada

### Redaccións

- Artigo 1. NATUREZA E FEITO IMPOÑÍBEL
- Artigo 2. EXENCIÓNS
- Artigo 3. BONIFICACIÓNS
- Artigo 4. PROCEDEMENTO DE CONCESIÓN DOS BENEFICIOS FISCAIS
- Artigo 5. COEFICIENTES DE SITUACIÓN
- Artigo 6. PERÍODO IMPOSITIVO E DATA DE EXIXIBILIDADE DO IMPOSTO
- Artigo 7º. INFRACCIÓNS E SANCIÓNS
- DISPOSICIÓN DERRADEIRA
- Disposición derogatoria

### Artigo 1. NATUREZA E FEITO IMPOÑÍBEL

De conformidade co previsto nos artigos 78 e seguintes do Real decreto legislativo 2/2004 polo que se aproba o texto refundido da Lei reguladora das facendas locais, o imposto de actividades económicas é un tributo obrigatorio, directo e de carácter real, que grava o mero exercicio, en territorio nacional, de actividades empresariais, profesionais ou artísticas; se exerzan ou non nun local determinado e se atopen ou non especificadas nas tarifas do imposto.

### Artigo 2. EXENCIÓNS

- 1.- Están exentos do imposto os suxeitos pasivos previstos no artigo 82 do Real decreto legislativo 2/2004.
- 2.- As exencións especificadas nas letras e), f) do devandito artigo 82.1 terán carácter rogado.

### Artigo 3. BONIFICACIÓNS

- 1.- Os suxeitos pasivos terán dereito ás bonificacións previstas no art. 88 do Real decreto legislativo 2/2004.

### Artigo 4. PROCEDEMENTO DE CONCESIÓN DOS BENEFICIOS FISCAIS

- 1.- As solicitudes para o recoñecemento dos beneficios fiscais de carácter rogado presentaranse nos impresos para o efecto nas oficinas de xestión, recadación e inspección tributaria da Excmá Deputación Provincial da Coruña, acompañados da documentación acreditativa do cumprimento dos requisitos exixidos.

### Artigo 5. COEFICIENTES DE SITUACIÓN

- 1.- Para os efectos do previsto no artigo 87 do Real decreto legislativo 2/2004, as vías públicas deste municipio clasifícanse en dúas categorías fiscais:

1ª.- O Barreiro, A Campanilla, Os Castros, Covés, Pazos, A Pía, Allegue, Gunturiz, A Veiga, Vilamoire, Cabría Vella, O Castelo, Figueirido, O Goive, A Graña, O Lourido, O Silvar, A Viña, A Orela, Sobrado, Cornide, Fonte Melendre e A Igrexa (Vilar).

2ª.- Resto do municipio.

- 2.- Sobre as cotas incrementadas por aplicación do coeficiente sinalado no artigo 86 do Real decreto legislativo 2/2004, e atendendo á categoría fiscal da vía pública onde radica fisicamente o local en que se realiza a actividade económica, establécense os seguintes coeficientes de situación

|                                    |     |     |
|------------------------------------|-----|-----|
| Categoría fiscal das vías públicas | 1ª  | 2ª  |
| Coficiente de situación aplicábel  | 1,2 | 1,3 |

- 3.- O coeficiente de situación aplicábel a calquera local vén determinado polo correspondente á categoría da rúa onde estea situado o acceso e, de haber varios, aquela que teña o índice máis alto.

### Artigo 6. PERÍODO IMPOSITIVO E DATA DE EXIXIBILIDADE DO IMPOSTO

- 1.- O período impositivo coincide co ano natural, agás cando se trate de declaracións de alta. Neste caso abranguerá desde a data de comezo da actividade ata o final do ano natural.

2.- O imposto será exixíbel desde o primeiro día do período impositivo e as cotas serán irredutíbeis, agás cando, nos casos de declaración de alta, o día de comezo da actividade non coincida co ano natural. Neste suposto, as cotas calcularanse proporcionalmente ao número de trimestres naturais que resten para finalizar o ano, incluído o do comezo do exercicio da actividade.

3.- Así mesmo, e en caso de baixa por cesamento no exercicio da actividade, as cotas serán prorrateábeis por trimestres naturais, excluído aquel en que se produza o dito cesamento. Para este fin, os suxeitos pasivos poderán solicitar a devolución da parte da cota correspondente aos trimestres naturais en que non se exercera a actividade.

### **Artigo 7º. INFRACCIÓNS E SANCIÓN S**

Para todo o relativo á cualificación de infraccións tributarias e a imposición das sancións correspondentes, rexerá o disposto nos artigos 77 e seguintes da L.X.T.

### **DISPOSICIÓN DERRADEIRA**

A presente ordenanza foi aprobada de xeito provisorio polo Pleno da corporación na sesión celebrada o día 27 de outubro de dous mil cinco. Comezará a rexer o día un de xaneiro de dous mil seis, e continuará vixente mentres non se acorde a súa modificación ou derogación .

### **Disposición derogatoria**

A partir da data de entrada en vigor desta ordenanza fiscal, queda derogada a anterior Ordenanza fiscal número 23, reguladora do imposto sobre actividades económicas, aprobada polo Pleno da Corporación en sesión plenaria do 28 de xuño de 2001.